

嘉泰吳興志

四

嘉泰吳興志

PDG

吳興志卷十六

宋談鑰撰

著姓

姓之有望生於緒姓族之蕃而別其地也古者因生賜姓胙土命氏漢鄧氏應氏有氏族篇纂敘世繫至晉賈弼撰姓氏簿始附之州郡宋王儉廣其書東南之族具焉吳興郡著姓之說率根源於是歷數百千年時有升降閥有盛衰若不可一概定然攷之太平寰宇記李宗諤圖經王曾圖志及續圖經等書述地理而參諸學者皆言姚沈王鈕長城曰錢胥今故敘四姓著於鄉之繇而長城之錢附焉至他姓之有顯赫者則有古今史編

及姓氏諸書在

姚姓出自虞帝生於姚墟因以爲姓春秋時鄭大夫姚句耳姚般其後也漢有青州刺史恢尙書左僕射皓吳有太常卿信晉有九江太守渠墓皆在郡境有碑碣存姚姓其來也遠居吳興亦久矣姓氏書謂王莽封田豐奉舜祀豐子避莽亂過江居吳郡改姓爲矯五世孫敷復改其姓姚始居吳興武康未必然也敷生信卽吳太常卿著听天論者信子寧浦太守陶陶子太傅奮奮六世孫僧坦隋開府儀同三司生二子察最察隋太子內史舍人生思廉最隋蜀王友生思聰自晉至梁尤多顯人藏爲散騎常侍宣業爲吳興郡公武韞璿壽欽定祥

六人皆至給事中他可概見宣業之四世孫崇相明皇
崇傳云陝州人陝州之族出於武康思廉之孫璿相武
后思廉傳云父察自吳興遷京兆遂爲萬年人京兆之
族亦出於武康獨最與思聰墓在武康石城山今之居

吳興者皆祕書少監思聰後也

舊圖經載漢九江太守姚渠墓在烏程縣南六

十里吳秦州刺史志墓在州南十四里統記載後漢青
州刺史恢尚書左僕射皓吳太常卿信墓並在武康縣
西南三里石城山碑碣並存後周開府儀同三司僧坦
陳吏部尚書察隋蜀王司馬最唐祕書少監思聰墓亦
在焉統記又載信子陶吳寧浦太守陶子奮太傅晉之
藏至散騎常侍武韞與梁之璿壽文祥欽凡六人皆至
給事中吳之參憲翊晉之向選梁之康遏通緒茂皆爲
縣令竝武康人按姓氏書姚出於虞帝生於姚墟因以
爲姓春秋時鄭大夫姚句耳姚般其後也初陳公滿封
於陳裔孫共仲奔齊爲陳氏又爲田氏齊亡居魯至王
莽封田氏爲代睦侯以奉舜祀豐子恢避莽亂過江居
吳郡改姓爲嬌五世孫敷復改姓姚居吳興武康敷生

信吳選曹尚書八世孫僧坦隋開府儀同三司北隆公
二子察最察隋太子內史舍人襲公最蜀王友察生思
廉唐修文館學士生燈生懽相武后最生思聰至八世
孫袞太僕主簿陝郡姚氏亦出自武康梁征東將軍吳
興郡公宣業生安仁安仁生祥祥生懿懿生元之元素
元之名崇相明皇生彝忌奔元素生弇馮算孫九人曾
孫二十人四世孫七人五世孫五人世所謂武功姚者
南史姚察傳吳興武康人吳太常卿信九世孫父僧坦
子思廉唐書姚思廉傳察之子陳亡察自吳興遷京
兆遂爲京兆萬年人孫壽姚崇傳峽州峽石人子懿
沈姓臺駘之後或曰聃季食采於沈姬姓後也春秋有
沈子國卽汝南平輿沈亭是也沈滅其後子孫因國爲
氏秦末有沈逞召爲丞相不就逞之曾孫保漢封爲竹
邑侯竹邑侯之十世孫戎後漢初說降劇賊尹良光武
封爲海昏侯不就避地徙會稽烏程之餘不鄉遂家焉
死葬於金鵝山戎生尙書令酈酈生河閒相景仲高景

生荊州刺史彥演之慶之曇慶懷文其後也仲高七世
孫延晉潁川太守始居縣之博陸里餘烏邨田子林子
與約其後也統記又載沈氏先賢傳諸書云沈戎子孫
見史傳者一百五十八人三十八人有正傳一百二十
人附傳宋梁陳閔皇后三人尙主者五人唐有君亮相
武后彥之裔孫曰傳師而睿眞太后亦曰吳興人至今

人物視三姓爲盛云

南史沈約字休文吳興武康人自敘曰沈臺駘之後沈子國汝南平

輿沈亭是也春秋時列於盟會魯昭公四年晉使蔡滅
沈其後因國爲氏秦末有沈遲徵丞相不就漢初遲曾
孫保封竹邑侯保子遵遷九江之壽春官至齊王太傅
封敷德侯遵生驃騎將軍達達生尙書令乾乾生南陽
太守弘弘生河內太守助助生御史中丞奮奮生將作
大匠恪恪生尙書關內侯謙謙生濟陰太守靖靖生戎
光武封爲海昏侯不受徙居烏程之餘不鄉戎生三子
鄧零陵太守仲高安平相景河閒相演之慶之曇慶懷

文其後也仲高子鸞鸞子直直子瑜儀儀子曼吳定陽
侯曼子矯立武校尉晉長沙太守子矯子儀子陵子曼
軍事陵子延穎川太守始居縣之博陸里餘烏村延子
賀南中郎參軍賀子警警子穆夫穆子璞嗣淮南太守
軍林子建威將軍宋封漢壽縣伯子璞嗣淮南太守
子約梁尚書令子旋趨旋司徒右長史趨黃門旋子
寔眾陳民部尚書子旋趨旋司徒右長史趨黃門旋子
于聃季食菜於沈汝南平與沈氏曾孫是也春秋成八年爲
晉所滅沈子逞奔楚遂爲沈氏會孫諸梁號葉公曾孫
郢召爲丞相不就生平封竹邑侯平生遂生倥左庶
長竹邑侯生遵徙壽春遵生乾乾生承承生助助生倥左庶
奮生恪恪生謙謙生靜靜生戎後漢光祿勳以九江從
事說降劇賊尹良光武封爲海昏侯辭不就因避地徙
居會稽之烏程縣餘不鄉遂家焉戎四子子子子子子
四子許仲高景生彥裔孫令君亮相武后統懿齊恭後
漢述善侯戎墓在晉吏部尚書嘉太子子詹事回墓在鳳皇
相景墓並陳諸友墓並陳嘉太子子詹事回墓在鳳皇
山宋齊梁陳諸友墓並陳嘉太子子詹事回墓在鳳皇
漢太山太守霸陽太守裕又云沈戎子孫見史傳者
一百五十人三十八人有正傳一百二十人附傳宋陳
至唐四皇后宋朝宣太后陳文帝皇后會稽長公主唐
睿真太后陳朝尚主者五人君理尚會稽長公主唐

尙安康公主繕尙義興公主修智尙湘安公主規尙智
平公主按沈約自敘其家世與班固揚雄自敘之體同
宜其視姓氏諸書泛述者必精確而謂楚使蔡滅沈在
魯昭公四年今左傳載昭四年楚子沈子會于申又同
伐吳明年又同伐吳則沈之滅安得在四年也以其顯
著者差齟如此則其他亦未必皆可信姓氏錄謂沈之
滅在成八年其失又遠矣又世系
載在諸書者多不同今悉存之

正姓系出齊太公封於營正二十八代孫公子高遂氏
其後弱爲邾國大夫明爲魯國左史漢平帝時有名俊
者持節安輯江淮屬王莽篡位遂留江左居吳興烏程
後漢大司馬騰交州太守聰陽羨令昭吳晉陵太守傑
宋尙書右丞泉之新安太守道護建安太守道成梁黃
門侍郎遲雜見於王儉姓系元和姓纂諸書者不一而
騰傑遲泉之道護墓又俱在郡境信其爲俊後也南史

載冠先奉使不屈死於胡虜傑居喪盡孝感夢授藥靈
鞠以文章顯仲孚以政事聞系緒雖不詳可以爲著姓

矣唐元和中葬麻谷者左散騎常侍爲與撰墓碑碑

今存焉

烏程縣麻谷有吳興王碑元和中四年製左散

子高遂氏其後弱爲邦國大夫明爲魯國左史爲之作

必有所據則左

明蓋姓王而官爲左史也元和姓纂

曰齊太公封於營王孫以地爲姓世居扶風左氏傳

有邾大夫

王弱漢平帝時有王俊持節安撫江淮屬王

莽篡位遂留江左居吳興烏程唐貞觀初有將軍王

利又王爲

蘇州嘉興人事在藝文志舊圖經烏程縣有

後漢大司馬王騰墓在縣西北十八里吳晉陵太守傑墓

宋尙書右丞

泉之墓在西北十八里南郡太守道護墓在

南十八里梁黃門侍郎遲墓在縣南十六里統記載後

漢交趾太守

聰陽羨令昭晉新安太守條陽侯道護建

安太守道成又載王儉姓系有漢王騰晉散騎常侍詢

駙馬都尉敬

祠部郎中裕給事中夷宋書有吳郡太守

泉之及齊季彬竝烏程人南史冠先傑見孝義傳靈鞠

遲見文學傳

冠先有子曰惟靈鞠之父祕書監系父護

軍長史道真子遲
從仲孚皆烏程人

鈕姓不詳得姓之繇漢有關內侯馥而沖充皆以牧守
襲爵其爲姓舊矣又有名綽者東漢荆兗青三州刺史
衡九真太守詳富春侯淑吳尙書令臨水侯瑒晉察孝
廉襲臨水之封戶允東遷侯淑及宋御史中丞滔墓皆
在郡境淑侯封臨水歿葬烏程信爲吳興人瑒允嗣侯
滔墓同境必其後也馥沖衡綽名見吳興記王儉姓系
錄爲淑之先亦無疑矣吳景帝有鈕后陳武宣章后本
亦鈕姓父景明追封廣德侯族兄洽中散大夫以二后
五侯之族其爲著姓宜矣吳興統記載王儉姓系云鈕
馥字元芳漢封關內侯沖字
元度弘農太守關內侯食二千石充後漢梁州牧襲關
內侯綽字君宏荆兗青三州刺史衡字元平九真太守

詳字子明富春侯食千戶淑字仕叔吳尚書令臨水縣
侯食一千五百戶場字彥真晉察孝廉後封臨水侯又
食一千五百戶允字元嗣中散大夫新昌太守東遷侯
養景明梁散騎常侍後贈特進金紫光祿大夫追封慶
德縣侯后親族無在朝者惟本族兄洽官至中散大夫
姓氏書止載吳興鈕涓云東晉人以及宋開封鈕氏大
理寺丞約舊圖經曰吳中書令鈕淑墓在烏程縣西十
里宋御史中丞涓墓在烏程縣東十四里統記載吳興
吳景帝鈕皇后父葬卞山因開青塘又顏真卿石柱記
云吳景帝鈕皇后葬卞山

錢姓出於大彭彭祖其後也以錢爲氏彭祖四十三代
孫漢諫議大夫錢林始居縣之梓山林孫敞敞孫咸咸
曾孫讓讓七代孫彌彌十三代孫纂墓皆在縣石柱題
誌存焉姓氏錄云讓避王莽亂徙居烏程者非也晉宋
及陳世有王侯牧守甚眾衣冠之盛如此而陳昭皇后

亦爲錢氏宜爲長城著姓姓氏錄錢出自顓帝曾孫陸
錢府上士因官命氏焉戰國有隱士丹秦御史產居周
邵西京雜記有會稽人勃漢哀平間有襄爲廣陵太守下
避王莽亂徙居烏程生晟又東晉青州刺史端歷陽太
守鳳裔孫樂之宋太史令居長城故望出吳興宋吳越
錢氏本杭州臨安人統記後漢富春公錢讓墓在長興
縣西五里字德高吳郡烏程人後爲散騎常侍累遷徐
兗二州刺史封富春侯食邑五千戶贈富春公諡曰哀
吳廬江太守盛墓在縣北五里振盛將軍景墓在縣西
五里晉龍驤將軍端墓在縣西四里大將軍廣墓在縣
西二里又有太子太傅迪始興王師穆東遷縣侯寵冠
軍將軍端步兵校尉岳伏波將軍詳陳定遠將軍開國
侯肅衣陽侯玄智臨海太守遷隋鍾離守季卿開府儀
同三司謹承安侯道職唐侍御史政舊編云錢氏系出
大彭錢鏐所封侯道職唐侍御史政舊編云錢氏系出
代孫漢諫議大夫錢林始來長城之梓山子孫因居焉
長城陵墓陳昭皇后錢氏陵曰嘉陵彭祖四十五代孫
錢敬四十七代孫咸五十一代孫讓五十七代孫彌六十
三代孫墓及昌端廣墓皆在長城詳見長城縣陵墓下

右長興著姓太平寰宇記李宗諤圖經王曾九域

圖志皆曰長興著姓二曰錢曰胥胥姓攷之古今
史傳圖志系譜在吳興者無一人焉豈傳寫筆誤
乎

賢貴事實

陳高祖武皇帝諱霸先吳興長城下箬里人姓陳氏漢
太正長實之後也六世孫達永嘉南遷爲長城令悅其
山水遂家焉嘗謂所親曰此地山川秀麗當有王者興
焉二百年後我子孫必鍾斯運達生康爲丞相掾咸和
中土斷故爲長城人康生盱眙太守英英生尙書郎公
弼公弼生步兵校尉鼎鼎生散騎常侍高高生懷安令
詠詠生安成太守猛猛生太常卿道巨道巨生皇考文

纘帝少倣儻有大志長於謀略意氣雄傑不事生產及長涉獵史籍好讀兵書明緯侯孤虛遯甲之術多武藝明達果斷爲當時推服身長七尺五寸日角龍顏垂手過膝嘗遊義興館於許氏夢天開數丈有四人朱衣捧日而至納之帝口及覺腹內猶熱帝心獨喜帝嘗獨坐堂室有神光之異梁新喻侯蕭映爲廣州刺史常以爲中兵參軍尋轉爲高安太守以交州李賁僭稱天子映遣帝平之梁武嘉焉卽除直閣將軍太清二年侯景反乃率眾赴援遂受梁禪卽位後改梁太清二年爲永定元年國號陳在位二年崩年五十七帝雄武多英略性甚仁愛及居阿衡性崇寬簡雅尙儉素常膳不過數品

私饗曲宴皆瓦器蟬盤肴核庶羞裁令充足不爲虛費
初平侯景及立景帝子女玉帛皆班將士其充闡房者
衣不重采飾無金翠聲樂不列於前踐祚之後彌厲恭
儉故能隆功茂德光於江左

世祖文皇帝諱蒨始興昭烈王之長子也少沈敏有識
量美容儀留意經史武帝甚愛之常稱吾家英秀梁太
清初帝夢兩日鬪一大一小大者光滅墜地色正黃其
大如斗帝三分取一懷之武帝崩卽位改元天嘉在位
七年崩帝起自布衣知百姓疾苦國家資用務從儉約
妙識眞僞下不容姦一夜內刺閹取外事分判者前後
相續每雞人伺漏傳籤於殿中者令投籤於階石上鎗

然有聲云吾雖得眠亦令驚覺其自強如此

廢帝諱伯宗文帝嫡長子也文帝崩卽位改元光文帝柔弱無人君之器在位三年廢

高宗孝宣皇帝諱頊始興昭烈皇第二子也生有赤色滿室少寬容多智略及長美容儀身長八尺二寸垂手過膝有勇力善騎射廢帝廢卽位改元太建在位十四年崩帝之在田本有恢弘之度及居尊位實允天人之應於時國步初弭瘡痍未復淮南之地竝入於齊帝志復舊境意反侵地強弱之形理則懸絕犯斯不韙適足爲禽及周兵滅齊乘勝而舉略地還至江際自此懼矣後主諱叔寶宣帝嫡長子也宣帝崩卽位改元至德在

位七年降隋

以上陳朝五主
共三十三年

衡陽獻王昌字敬業武帝第六子也昌容貌偉麗神情秀朗雅性聰辨明習政事讀書一覽便誦明於義理剖析如流

南陽忠壯王休光武帝母弟也子曇朗孫方慶襲封始興昭烈王道談武帝兄也仕梁爲東宮直閣將軍侯景之亂援臺中流矢卒生文帝及宣帝

鄱陽王伯山字靜之文帝第三子也偉容儀舉止嫺雅喜愠不形於色性寬厚又於諸王最長後主深敬重之每朝廷有冠婚饗宴恆爲使主及遭所主憂居喪以孝聞後主謂羣臣曰鄱陽王至性可嘉